

### Saksgang

Utval	Utv.saksnr.	Møtedato
Valnemnda		28.09.2020
Fylkestinget		29.09.2020

### Kystpilegrimsleia. Oppnemning av politiske representantar til styringsgrupper

Forslag til innstilling/vedtak

1. Vestland fylkeskommune oppnemner to representantar til styringsgrupper for dei regionale pilegrimssenter, ein for Selje/Stad og ein for Bergen:

Namn (Selje/Stad): \_\_\_\_\_ (medlem)  
Namn (Bergen): \_\_\_\_\_ (medlem)

Namn (Selje/Stad): \_\_\_\_\_ (vara)  
Namn (Bergen): \_\_\_\_\_ (vara)

2. Oppnemninga gjeld i eitt år frå vedtaksdato.

Samandrag

Kystpilegrimsleia ble godkjent og opna som offisiell pilegrimsled i 2018. Fylkestinga i Hordaland og Sogn og Fjordane har slutta seg til oppretting av regionale senter i Selje/Stad og i Bergen. Desse er no etablerte og det er set av midlar til drift av sentera i budsjett for 2020.

Ei varig regional satsing på Kystpilegrimsleia føreset at dei regionale pilegrimssenter som er etablert sikrast stabile og varige økonomiske rammevilkår. Vestland fylkeskommune har lagt tyngd i etableringa av Selje/Stad og Bergen regionale pilegrimssenter, og har ei klar forventning om staten støttar opp om satsinga i statsbudsjettet 2021.

Fylkesrådmannen ser det tenleg at det no vert oppnemnd to representantar, ein for styringsgruppa til Bergen regionale pilegrimssenter og ein for Selje/Stad regionale pilegrimssenter.

Rune Haugdal  
fylkesrådmann

Per Morten Ekerhovd  
fylkessdirektør

*Saksframlegget er godkjent elektronisk og har difor inga handskriven underskrift*

## Saksutgreiing

Bakgrunn for saka

Fylkestinget handsama 17.12.2019 i PS1/2019 etableringa av to regionale pilegrimssenter i Vestland, eitt på Selje/Stad og eitt i Bergen:

- 1. Fylkestinget sluttar seg til etableringa av regionale pilegrimssenter i Bergen og Selje som ledd i ei varig regional satsing på Kystpilegrimsleia.*
- 2. Delfinansiering av drifta av to regionale pilegrimssenter i Vestland vert handsama som del av arbeidet med økonomiplanen og budsjett 2020.*
- 3. Driftsfinansiering føreset at tiltaka vert finansiert etter ein modell der staten dekkjer 60%, kommunane 20% og Vestland fylkeskommune 20% av driftskostnaden.*

I budsjett 2020, vedteke av fylkestinget 17. desember 2019, vert det løyvd til saman kr 600.000 til to regionale pilegrimssenter i Kystpilegrimsleia i Vestland.

I verbaldelen heiter det:

*Kystpilegrimsleia: Løyvinga på 600.000 vert fordelt likt på dei regionale pilegrimssentera i Bergen og Selje/Stad, under føresetnad av lokale finansieringsbidrag på minimum same beløp frå dei to kommunane i 2020.*

Ved at prøvedrift er etablert både i Selje og i Bergen, Stad kommune har gått inn med kr 450.000, Bergen kommune vil gå inn med kr 300.000, er vilkåra for tilsegn oppfylt.

### Om regionale pilegrimssentre langs Kystpilegrimsleia

Kystpilegrimsleia ble godkjent og opna som offisiell pilegrimsled i 2018. Leia skal formidle europeisk tradisjon, nordisk historie og norsk kultur og skal driftast av regionale pilegrimssentre (RPS).

Målet er at Kystpilegrimsleia skal vere et attraktivt reisemål og reiseveg for internasjonale, nasjonale og lokale pilegrimar med båt, til fots eller med offentleg transport.

Dei regionale pilegrimssentera skal være «fyrtårn» langs Kystpilegrimsleia, og blir viktige for koordinering og utvikling av aktivitetar, pilegrimsturisme, næringsverksemd, merking, skilting, frivillig engasjement, Den norske kyrkjas engasjement, overnatting og matservering i sitt ansvarsområde.

Kvar RPS skal ha sitt ansvar knytt til et definert geografisk område langs kystpilegrimsleia. Ansvarsområda skal saman med Nasjonalt Pilegrimssenter (NPS) danne en samanhengande kjede med aktivitet og tilrettelegging for pilegrimar langs kysten frå Egersund til Nidaros.

Kystpilegrimsleia er med i samarbeidspartia sin politiske plattform for nye Vestland fylkeskommune:

*Medverke til utviklinga av Kystpilegrimsleia, i nært samarbeid med frivillige lag og organisasjonar, kommunar og kyrkje.*

### **Langtidsplan for pilegrimssatsing 2019 – 2037. Politisk forankring**

Kulturdepartementet sendte i 2019 ut på høyring *Langtidsplan for pilegrimssatsing 2019 - 2037*.

I Hordaland gjorde fylkesutvalet vedtak i saka 29.05.2019, jf. PS 81/2019. I Sogn og Fjordane handsama fylkesutvalet planen, jf. vedtak i sak 19/3911-2 den 08.05.19.

Begge fylkeskommunar slutta seg dermed til hovudintensjonane i den nasjonale pilegrimsatsinga og etableringa av regionale pilegrimssenter.

Kystpilegrimsleia gjennom Hordaland og Sogn og Fjordane er godkjend som lei i det nasjonale systemet av pilegrimsvegar. Oppfølginga av langtidsplanen inneber tilrettelegging av pilegrimsvegane og etablering av regionale pilegrimssenter langs desse.

## Høyringsutkast til langtidsplan - Finansieringsmodell

Langtidsplanen legg opp til ei finansiering av regionale pilegrimssenter basert på 60% statleg bidrag, 20% fylkeskommunal og 20% kommunal. Med kr 2 mill. pr. senter vert dette 400.000 på kommunane, 400.000 på fylkeskommunane og 1,2 mill. på staten.

Ved at Vestland fylkeskommune har vedteke to regionale pilegrimssenter, føreset finansieringa 800.000 pr. år for fylkeskommunen.

Innlemminga av Kystpilegrimsleia i det nasjonale systemet av pilegrimsleier, inneber at det totale talet på regionale pilegrimssenter aukar frå 6 til 10. I statsbudsjettet for 2020 er det ikkje teke høgd for denne auka. Rogaland, Vestland, Møre og Romsdal og Trøndelag fylkeskommunar har alle likevel vedteke å starte opp regionale pilegrimssenter, basert på prøvedrift i 2020.

Desse er sett i prøvedrift:

Rogaland: Avaldsnes

Vestland: Selje/Stad og Bergen

Møre og Romsdal: Smøla

Trøndelag: Trøndelag fylkeskommune er spesiell ved at Nasjonalt Pilegrimssenter ligg i Trondheim, og ved at Pilegrimsgården og Nidarosdomen der er mål for alle St.Olavsleiene i Noreg.

Det vil vere ei vesentleg utfordring å få den statlege finansieringa på plass i statsbudsjettet for 2021. Statsbudsjettet for pilegrimssatsinga må aukast med kr 4,8 mill.

Vedtakskompetanse

Fylkestinget

Vurderingar og verknader

**Økonomi:** Tiltaket ligg inne i budsjett/økonomiplan 2020

**Klima:** Pilegrimsturisme er småskala reiseliv som i sin karakter ikkje har negativ påverknad på ytre miljø.

**Folkehelse:** Pilegrimsvandringar er aktiv fritid som stimulerer til betre folkehelse.

**Regional planstrategi:** Tiltaket er forankra i Regional plan for kultur i Hordaland 2015-2025,

*Premiss:kultur* og i Regional plan for kultur i Sogn og Fjordane 2019-2027, *Kultur for alle*.

Konklusjon

Ei varig regional satsing på Kystpilegrimsleia føreset at dei regionale pilegrimssenter som er etablert sikrast stabile og varige økonomiske rammevilkår. Vestland fylkeskommune har lagt tyngd i etableringa av Selje/Stad og Bergen regionale pilegrimssenter, og har ei klar forventning om staten støttar opp om satsinga i statsbudsjettet 2021.

Fylkesrådmannen ser det tenleg at det no vert oppnemnd to representantar, ein for styringsgruppa til Bergen Regionale Pilegrimssenter og ein for Selje/Stad regionale pilegrimssenter.